

## KERATAN AKHBAR

(Bahagian Canselori)

Surat khabar: Utusan Sarawak (Tempatan)

Hari/Tarikh: 25/8/2016

Muka surat: 11

Taiuk : Belia harus contohi pelajar UNIMAS



**PRIHATIN...** Rubiah merakam gambar bersama warga emas Seri Kenangan serta pelajar UNIMAS yang menunjukkan keprihatinan mereka terhadap masyarakat sekeliling. • NUR AIN OTSMAN

# Belia harus contohi pelajar UNIMAS

NUR AIN OTSMAN

**KOTA SAMARAHAN:** Belia harus mencontohi keprihatinan yang ditunjukkan pelajar Universiti Malaysia Sarawak (UNIMAS), kata Ahli Parlimen Kota Samarahan, Rubiah Wang.

Beliau bangga dengan pencapaian melibatkan 280 pelajar sempena Program Hari Komuniti, Kursus Induksi Liaison Officer (KILO) di sembilan kawasan termasuk Tadika Bina HIKMAH, Pusat Pemulihan Samarahan, Pusat Pemulihan Dalam Komuniti Samarahan, Sekolah Kebangsaan Pendidikan Khas Kota Samarahan, Persatuan Kanak-kanak Terencat Akal (PERKATA) Sarawak, Pusat Pemulihan

Dalam Komuniti PIBAKAT 2, Per-satuan Dyslexia Sarawak serta Rumah Seri Kenangan Kota Samarahan.

"Program komuniti ini satu program yang amat murni serta baik kerana dapat mengeratkan silaturahim antara kita terutamanya bagi mereka yang kurang bernasib baik."

"Sikap tanggungjawab pelajar UNIMAS harus kita contohi sekali gus kita bangga kerana program yang mereka dianjurkan ini adalah program yang amat dialu-alukan oleh kerajaan dan negara kita," ujarnya.

Beliau berkata demikian dalam Majlis Perasmian Penutupan Program Hari Komuniti sempena Kursus Induksi Liaison Officer (KILO) sesi 2016/2017, UNIMAS di Rumah Seri Kenan-

gan, Kota Samarahan.

Seramai 66 penghuni warga emas diraikan dalam majlis sehari berkenaan sekali gus kehadiran pelajar UNIMAS ini sedikit banyak mengubat kerinduan terhadap anak-anak dan cucu-cucu mereka.

Sementara itu, Rubiah menjelaskan, program seperti ini harus diadakan secara berkala dan tidak terhenti kerana ia dapat memberi ketabahan dan kegembiraan warga emas.

"Rumah Seri Kenangan amat memerlukan sokongan daripada kita, bukan harta benda yang diinginkan warga emas ini tetapi kasih-sayang daripada kita semua."

"Mereka memerlukan kita untuk terus mengharungi kehidupan tanpa anak-anak mereka

dan semoga hasrat kerajaan ini dapat kita teruskan untuk masa akan datang," tegasnya.

Terdahulu, 280 pelajar ini turut meraih dana bermula 21 Ogos lalu sebagai sumbangan kepada warga emas ini seperti barang keperluan harian dan wang.

Sehubungan itu, pelbagai aktiviti dijalankan sepanjang program tersebut, antaranya ialah sesi taaruf (ice-breaking), sesi perkongsian dan sebagainya.

Turut hadir, Timbalan Pendaftar Pusat Khidmat Pelajar UNIMAS Nasriman Abdul Rahman, wakil Jabatan Kebajikan Masyarakat Kuching Dusim Oh Siding, Timbalan Pengetua Rumah Seri Kenangan Nurul Aimidiana Oton serta Timbalan Pengetua Pusat Pemulihan Samarahan Leonara Sampai.